

PERËNDIA MË KRIJOI ME DASHURI 1





I. PERËNDIA KRIJON BOTËN

PUNA E DORËS: KRIMBI




MATERIALET:

- ✂ Karton portokalli (mbi 160 gr)
- ✂ Karton kaf (mbi 160 gr). Nëse nuk i ke këto ngjyra, mund të përdorësh dy lloje ngjyrash të tjera.
- ✂ Laps
- ✂ Gërshërë
- ✂ Ngjitës
- ✂ Sy plastikë (Nëse nuk ke, zëvendësoji sytë me rrathë të bardhë apo të zinj.)
- ✂ Letër e bardhë (80 gr)

Antenat:

- ✂ Stukadent
- ✂ Bojra dhjami
- ✂ Pipa
- ✂ Karton (270 gr)
- ✂ Skoç i vogël




HAPAT

- 1 Vendos formën rrethore mbi kartonat portokalli e kaf.
- 2 Vizato me laps.
- 3 Priti me kujdes.
- 4 Ngjiti me njëra – tjetrën duke alternuar ngjyrat (orientohu nga modeli).
- 5 Ngjit sytë ose në mungesë të tyre vizatoi me dorë të lirë. Mundësi tjetër është të presësh në një letër të bardhë 80 gr, dy rrethorë e në to të ngjyrosësh pjesën e bebes së syrit).
- 6 Për antenat mund të improvizosh materiale të ndryshme.
Disa mundësi janë:
a. Stukadente të ngjyrosura me bojra dhjami
b. Pipa
c. Karton 270 gr
- 7 Ngjiti nga ana e pasme e fytyrës me skoç të vogël.




FORMAT



2. DIELLIN, HËNËN DHE YJET PËR DRITË

PUNA E DORËS: DIELLI



HAPAT


- 1 Sipas formës A, prit dhe ti një të tillë në kartonin portokalli.
- 2 Sipas formës B prit dhe ti afërsisht 13 të tilla në kartonin portokalli (rrezet e mëdha).
- 3 Ngjiti rrezet nga pas formës rrethore që përgatite sipas A.
- 4 Sipas formës C prit afërsisht 13 të tilla në kartonin e verdhë (rrezet e vogla).
- 5 Ngjiti ndërmjet rrezeve të mëdha, gjithmonë nga pas formës A.
- 6 Vizato sytë dhe gojën.
- 7 Ngjit nga pas një fjongo, që të shërbejë si varëse e gjatë, për ta varur diellin që...

Shkëlqen dhe të buzëqesh vetëm ty.




FORMAT

Forma A






Forma B





Forma C





3. PERËNDIA KRIJOI UJIN, QË TË KETË JETË

PUNA E DORËS: KARTOLINË



HAPAT

- 1 Palos kartonin bojë qielli (½ e A4) duke vendosur cepat mbi njeri-tjetrin.
- 2 Prit me valëzime letrën blu.
- 3 Ngjite letrën blu, duke vendosur pjesën e valëzuar si në model.
- 4 Zbukuro me temina (qiellin me yje dhe detin me temina të ndryshme).
- 5 Prit me kujdes thënien dhe ngjite mes qiellit dhe detit.
- 6 Kartolina është gati.

Tani mund të shkruash në të një falenderim për Perëndinë.



FORMAT

**PERËNDIA KRIJOI
UJËRAT PËR NE**

PERËNDIA KRIJOI
UJËRAT PËR NE




4. E LAVDËROJMË PERËNDINË PËR KRIJIMIN E TIJ PUNA E DORËS: NË LUTJE (NGJYROSJE)



HAPAT

- 1 Ngjyrore sipas dëshirës (me fantazi individuale).
- 2 Prite sipas konturit dhe ngjite në kartonin e zgjedhur.
- 3 Krijo një varëse për punimin tënd, duke ngjitur fjongon me ngjitës skoç nga pas.




MODELI



5. JAM KRIJUAR NË MËNYRË TË MREKULLUESHME

PUNA E DORËS: PEMA E TË MIRËS DHE TË KEQES




HAPAT


- 1 Sipas formës A prit edhe ti një të tillë në kartonin e bardhë.
- 2 Sipas formës B prit gjethe në fletën jeshile.
- 3 Sipas formës C prit mollët në fletën e kuqe.
- 4 Tani je gati për të filluar ngjitjen:
Së pari ngjit gjethet, duhet të fillosh nga rreshti i fundit. Pjesa e fundit e gjetheve duhet të uthitet plotësisht me kartonin e bardhë.
Me ngjitës duhet të lyesh vetëm pjesën e poshtme të gjetheve, në mënyrë që pjesën e sipërme (gjysmën e gjetheve) ta kesh të pa ngjitur.
Kështu do ta kesh të lehtë të vendosësh rreshtin e dytë të gjetheve e me rradhë të tretin e të katërtin.
Kujdes: Kartoni i bardhë nuk duhet të duket në asnjë vend.
- 5 Tani sipas dëshirës ngjit mollët.
- 6 Sipas formës D prit kartonin kaf 270 gr. Bëje si tub dhe ngjite me ngjitës nga pas, ky është trungu i pemës.




FORMAT

Forma A







Forma B




Forma D





Forma C





6. PERËNDIA MË NJEH ME EMËR

PUNA E DORËS: NGJYROSJE SIPAS NUMRAVE



HAPAT

1 Ndiq numrat për të ngjyrosur dhe shiko se kush nga krijesat e Perëndisë do të formohet.

Ngjyrat janë:

1-kafe

2-blu


3-e verdhë


4-e kuqe

5-jeshile

2 Prit sipas konturit.


3 Ngjit me kujdes në karton.





7. DËGJOJ DHE DËGJOJ ME VËMENDJE

PUNA E DORËS: LULE




HAPAT

- 1 Sipas formës A bëj dhe ti 4 lule të tilla me letër e kuqe 80 gr.
- 2 Sipas formës B bëj dhe ti 3 lule të tilla me letër e verdhë 80 gr.
- 3 Sipas formës C bëj 7 bishta të tillë me kartonin jeshil.
- 4 Ngjit lulen me bishtin, në mënyrë që bishti të vendoset pas lules.
- 5 Palos më dysh kartonin jeshil për nga gjatësia. Njërën anë prite deri në gjysëm, në fije të holla (bari). Duke marrë nga të dyja pjesët, krijo një bazë në formë trekëndëshi (bazament). Kap cepat e kartonit me kapse.
- 6 Ngjit lulet në bar, sipas një lartësie të njëjtë, afërsisht 8 cm.
- 7 Tani në çdo lule shkruaj bukur, duke e zbukuruar sipas dëshirës, nga një gërmë të fjalës DËGJOJMË.




FORMAT

Forma A



Forma B




Forma C



8. PERËNDIA MË NDIHMOM TË RRITEM

PUNA E DORËS: PJATË DEKORATIVE




HAPAT

- 1 Vendosi formën mbi letër 80 gr me ngjyrë dhe qarko (vijëzo) me laps.
- 2 Prite me kujdes (ke formuar një rrethor të madh me ngjyrë).
- 3 Me hapëse vrimash krijo një kontur zbukurues rreth e qark me vrima të baraslarguara nga njëra-tjetra.
- 4 Ngjite rrethorin në pjesën e brendëshme të pjatës plastike.
- 5 Prit thënien dhe ngjite bukur në rrethor.
- 6 Në pjesët anësore të pjatës hap vrima të baraslarguara nga njëra-tjetra (jo shumë të shpeshta).
- 7 Fut në to fjongo, sikur po qëndis. Në fund, dy cepat e fjonos lëri pak më të gjatë, që të shërbejnë si varëse për pjatën dekorative.



FORMAT




Jisui rritej
dhe
mësonte shumë
gjëra të reja



9. NOEJA SHPËTON NGA PËRMBYTJA

PUNA E DORËS: YLBERI




HAPAT


- 1 Sipas formës A, prit edhe ti një të tillë në kartonin e bardhë (ylberi).
- 2 Ndaje në 7 pjesë të barabarta dhe ngjyrosi sipas ngjyrave të ylberit.
- 3 Sipas formës B, bëj dhe ti një të tillë në letrën e kuqe (pjesa e brendshme e diellit).
- 4 Sipas formës C, bëj një të tillë në letrën e verdhë (rrezet e diellit).
- 5 Ngjit pjesën e brendshme rrethore mbi rrezet.
- 6 Diellin, tashmë të përfunduar ngjite mbi ylber.
- 7 Sipas formës D, prit një të tillë në letrën e bardhë (reja). Konturoje me laps ose ngjyrë gri.
- 8 Mbi të shkruaj vargun për këtë punëdore: **“Unë do të kujdesem gjithnjë për popullin Tim!”**
- 9 Ngjit skajet e resë mbi ylber (shih modelin).
- 10 Në pjesën e pasme të ylberit ngjit një fjongo që të shërbejë si varëse për punën e dorës që sapo përfunduat. Mund ta varni mes punimeve të tjera dhe të kujtoni **Premtimin e Perëndisë**.




FORMAT

Forma A







Forma B




Forma C






Forma D



10. JONAI NË BARKUN E BALENËS

PUNA E DORËS: BALENA



HAPAT


- 1 Sipas formës A bëj dhe ti një të tillë me kartonin e zi (pjesa e trupit).
- 2 Sipas formës B bëj një të tillë me letrën rozë 80 gr (pjesa e gojës).
- 3 Sipas formës C bëj një të tillë me kartonin blu 160-180 gr (valë).
- 4 Sipas formës D bëj një të tillë me letrën bojë qielli 80 gr (valë).
- 5 Ngjit sipas modelit pjesën roz të gojës në trupin e balenës.
- 6 Ngjit syrin plastik ose në mungesë të tij prit një rrethor të vogël nga letra 80 gr e bardhë, ngjite në vend të syrit dhe me tush të zi krijë beben e syrit duke e ngjyrosur.
- 7 Me tush të kuq vijëzo pjesën e poshtme të gojës, për të krijuar gjuhën.
- 8 Sipas modelit, letrën bojë qielli ngjite në mes të letrës blu.
- 9 Ngjit valët blu-bojëqielli mbi pjesën e fundit të trupit të balenës. Pra trupi i balenës të qëndrojë pas valëve.
- 10 Krijë me fjongo një varësë dhe ngjite me ngjitës skoç në pjesën e prapme të balenës.

Mund ta varësh përkrah punëve të tua të tjera dhe të kujtosh historinë e Jonait.




FORMAT


Forma A



Forma B



Forma C




Forma D



II. JISUI BËN QË STUHIA TË PUSHOJË

PUNA E DORËS: JISUI DHE DALLGËT E DETIT



HAPAT

- 1 Sipas formës A prit ilustrimin e Jisuit në letërën e bardhë 80 gr.
- 2 Sipas formës B, bëj një të tillë në kartonin e kuq (vela e madhe).
- 3 Sipas formës C, bëj një të tillë në kartonin e bardhë (vela e vogël). 4.
- 4 Sipas formës D, bëj një të tillë në kartonin e verdhë (varka).
- 5 Sipas formës E, bëj një të tillë në kartonin kaf (direku).
- 6 Ngjit dy velat mbi direkun dhe direkun ngjite në varkë (shih modelin).
- 7 Sipas formës G/1 prit një të tillë në kartonin blu. Sipas formës G/2 prit një të tillë në letërën bojëqielli.
- 8 Ngjit G/2 mbi G/1.
- 9 Sipas formës F prit një të tillë në letërën e bardhë. Konturo me laps ose ngjyrë gri.
- 10 Fillo ngjitjen në kartonin bojëqielli sipas modelit.
- 11 Brenda resë shkruaj vargun: *“Mbaj sytë te Jisui!”*




FORMAT

Forma A




Forma F







Forma B




Forma C



Forma D




Forma E






Forma G/1

Forma G/2



12. JISUI USHQEN MIQTË E TIJ

PUNA E DORËS: PESHKU



HAPAT

- 1 Ngjyros pjatën e kartonit nga ana e jashtme (sipas modelit) me ngjyra të ndryshme.
- 2 Ngjyros me një ngjyrë pjesën e brendshme në formë rrethori.
- 3 Prit një trekëndësh në pjesën që i takon gojës dhe kape me kapse si bisht.
- 4 Vizato bukur syrin dhe gojën.



13. FAMILJA E PARË

PUNA E DORËS: BLETA



HAPAT

- 1 Nëse ke tub kartoni nga letër kuzhine ndaje në dy pjesë. Nëse ke tub kartoni nga letër higjienike, atëherë ky tub është në përmasat që duhet.
- 2 Vishe tubin e kartonit me letër punëdore të verdhë, duke e përthyer letër në pjesët e brendshme të tubit. Kështu ke formuar trupin e bletës.
- 3 Sipas formës A prit 4 shirita me trashësi 1.5 cm në letër me ngjyrë të zezë. Ngjiti sipas modelit në trupin e bletës.
- 4 Sipas formës B bëj dhe ti në letër të verdhë (krahët).
- 5 Sipas formës C bëj dhe ti në letër të zezë krahët më të vogla të bletës, të cilat ngjiti mbi krahët e mëdha. Të dyja ngjiti në pjesën e prapme të trupit të bletës (orientohu me modelin).
- 6 Sipas formës D bëj një zemër në letër të zezë. Prite dhe ke formuar fytyrën e bletës.
- 7 Sipas formës E vizato zemrën e vogël në fletën e verdhë. Prite dhe ngjite mbi zemrën e zezë. Kokën ngjite në pjesën e përparme të trupit.
- 8 Vendos sytë plastikë, prej kartoni ose thjesht ngjyrosi. Jepi formë gojës me ngjyrë të kuqe.
- 9 Në fund vendos antenat, me pipa, stukadente të ngjyrosura me ngjyra dhjami apo formoji me karton sipas dëshirës.





FORMAT

Forma A





Forma C






Forma B






Forma D



Forma E



14. FËMIJËT U SJELLIN GËZIM PRINDËRVE

PUNA E DORËS: LINDJA E ISAKUT




HAPAT

- 1 Prit sipas konturit formën A (fletët e çadrës).
- 2 Sipas formës A bëj dhe ti një të tillë në kartonin 240-270 gr, me të njëjtën ngjyrë me fletën e çadrës (baza e çadrës).
- 3 Ngjiti fletët e çadrës mbi bazën e çadrës duke përdorur ngjitës vetëm në skaje.
- 4 Sipas formës B bëj dhe ti një të tillë me kartonin e verdhë. Ngjyros hundën e buzët.
- 5 Ngjyros formën C dhe prite me kujdes, sipas konturit (Abrahami, Sara dhe Isaku).
- 6 Ngjit yllin me pjesën e sipërme të çadrës.
- 7 Ngjit Abrahamin, Sarën dhe Isakun në pjesën e brendshme të çadrës, në mënyrë që herë të shihen e herë jo, nga lëvizjet hap-mbyll të fletëve të çadrës.
- 8 Sipas formës D bëj dhe ti një të tillë në kartonin 240-270 gr. Ngjite me pjesën e prapme të çadrës në mënyrë të tillë që të shërbejë si mbajtëse për çadrën.




FORMAT

Forma B






Forma A





Forma C

Forma D



15. ZAKARIA DHE ELISABETA FESTOJNË

PUNA E DORËS: NJERIU GJETHE



HAPAT

- 1 Sipas formës A bëj dhe ti një të tillë në njërin nga kartonat (koka).
- 2 Sipas formës B bëj një të tillë në kartonin tjetër (trupi).
- 3 Ngjit pjesën e poshtme të kokës me pjesën e sipërme të trupit sipas modelit.
- 4 Sipas formës C prit 4 copë në njërin nga letrat 80 gr (krahët-këmbët).
- 5 Sipas formës D prit 4 copë (duart-shputat).
- 6 Ngjit duart me krahët dhe shputat me këmbët.
- 7 Ngjit këmbët dhe duart me trupin, duke u orientuar me modelin.
- 8 Plotëso kokën me sy, hundë e një buzëqeshje të madhe.
- 9 Shkruaj bukur në trup: *“Jorgo (emri yt) u rritsh nën kujdesin e Perëndisë”*.
- 10 Hap një vrimë në pjesën e sipërme të kokës, për ta vendosur në murin e dhomës tënde.




FORMAT


Forma C



Forma D




Forma A






Forma B



16. JOSIFI ÇAKTOHET BABAI I JISUIT NË TOKË

PUNA E DORËS: GOMARI



HAPAT


- 1 Sipas formës A bëj dhe ti një të tillë me kartonin kaf (trupi i gomarit).
- 2 Sipas formës B bëj dy të tilla në kartonin kaf (veshët). Ngjiti në mënyrë të tillë që njëri të duket përpara dhe tjetri pas kokës (shih modelin).
- 3 Sipas formës C bëj dy të tilla në fletën bezhë dhe ngjit në pjesën e veshëve.
- 4 Sipas formës D bëj 4 të tilla në kartonin kaf (këmbët).
- 5 Ngjit këmbët me trupin duke i vendosur dy anësoret në të njëjtën gjatësi dhe dy të brendëshmet në të njëjtën gjatësi (sipas modelit).
- 6 Ngjyros me tush të zi pjesët e poshtme të këmbëve për të krijuar idenë e patkonjve
- 7 Vijëzo me kafe pjesën e brendëshme të veshëve, vizato syrin, vijëzo me të zezë hundën dhe gojën, vizato samarin duke u bazuar te modeli.
- 8 Prit fije turaje (leshi) dhe ngjiti si tufë ndërmjet veshëve, të hedhura mbi ballë dhe fije më të gjata si bisht. Ngjiti nga pas trupit me ngjitës skoç.


Sot ke punuar për të përgatitur një gomar që do të kujtojë udhëtimin e Marisë dhe Josifit për në Egjipt.




FORMAT

Forma A







Forma B




Forma C




Forma D






17. NGRITJA E KRYQIT TË SHENJTË

PUNA E DORËS: NGJYROSJE




HAPAT:

- 1 Ngjyros bukur me fantazi.
- 2 Prit sipas konturit.
- 3 Ngjit në kartonin që ke zgjedhur sipas dëshirës.
- 4 Ngjit me skoç nga prapa kartonit, fjongon, e cila do të shërbejë si varëse.




MODELI



18. LINDJA E ZOTIT TONË

PUNA E DORËS: ZBUKURIM PËR KRISHTLINDJE




HAPAT


- 1 Sipas formës A, bëj dhe ti një të tillë në kartonin e kuq (çizmjja).
- 2 Sipas formave B, C, D, bëj dhe ti në kartonin jeshil.
- 3 Ngjit mbi çizmen e kuqe:
B - në pjesën e sipërme
C - në pjesën e majës
D - në pjesën e thembrës
- 4 Mbi formën B ngjit me ngjitës stik shiritin e letrës ku është shkruar vargu: *“Krishti lindi! Lavdërojeni!”*
- 5 Me ngjyra tush apo ngjyra me xixa vijëzo pjesën e sipërme të çizmes, thembrën dhe pjesën e përparme të çizmes (të majës).
- 6 Me temina zbukuroje çizmen si në model.
- 7 Ngjiti nga pas një fjongo që të shërbejë për ta varuar aty ku duam të zbukurojmë.




FORMAT

Forma A







Forma B



Forma C



Forma D




Krishti lindi!

Lavdërojeni!




PERËNDIA MË KRIJOI ME DASHURI 2





19. TREGIMI PËR GJYSHE NAOMIN

PUNA E DORËS: RUTHI



HAPAT:

- 1 Sipas formës A vizato e prit dhe ti një të tillë në fletën jeshile.
- 2 Sipas formës B vizato e prit dhe ti një të tillë në fletën jeshile (rripi i mesit).
- 3 Fotokopjo pjesët përbërëse të Ruthit, formën C-fytyra, formën D-krahët, formën E-këmbët dhe formën F-shportën. Më pas ngjyrosi sipas dëshirës dhe priti me gërshërë.
- 4 Tubi i kartonit që do të përdorësh do t'i japë punës së dorës efekt 3 dimensional. Si fillim vishe tubin e kartonit me katrorin e madh (forma A).
- 5 Ngjit shiritin e hollë rreth qendrës së tubit si një rrip mesi.
- 6 Ngjit kokën dhe krahët sipas modelit.
- 7 Ngjit këmbët në pjesën e poshtme të tubit, duke i palosur sipas vijëzimeve, për të dhënë efektin 3D.
- 8 Ngjit shportën e grurit në duart e Ruthit.




FORMAT

Forma C



Forma F






Forma A

Forma B






Forma D




Forma E



20. DAVIDI, BIRI I JESEUT

PUNA E DORËS: QENGJI I DAVIDIT




HAPAT

*E mbani mend se në fëmijëri Davidi ishte bari dhe se i donte shumë qengjat e tij?
Sot do të bëjmë punëdore qengjin e vogël të Davidit.*

- 1 Ngjyros fytyrën dhe veshët e qengjit. Me tush të zi ngjyros pjesën e fundit të këmbëve dhe me jeshile ngjyros barin.
- 2 Ngjite qengjin në kartonin e bardhë dhe prite sipas kontureve.
- 3 Palose më dysh trupin e qengjit sipas vijës që jepet në mes.
- 4 Me vinovil mbushe trupin me copa të vogla e të shpeshta pambuku deri sa të mos mbetet asnjë vend bosh.



FORMAT



21. MBRETI SOLOMON, BIRI I DAVIDIT

PUNA E DORËS: KURORA E SOLOMONIT


MATERIALET:

- ✂ Materiali i fotokopjuar
- ✂ Karton 160 gr (ngjyrë sipas dëshirës)
- ✂ Ngjyra
- ✂ Gërshërë
- ✂ Ngjitës



HAPAT

- 1 Ngjyros tre pjesët e kurorës së Solomonit sipas dëshirës apo sipas modelit të paraqitur.
- 2 Ngjiti pjesët në kartonin 160 gr.
- 3 Priti të tre pjesët e kurorës me gërshërë sipas kontureve.
- 4 Ngjit dy pjesët anësore me pjesën ballore të kurorës. Udhëzimet e dhëna mbi pjesët anësore do të të ndihmojnë për ngjitjen.
- 5 Pasi t'i kesh ngjitur të tre pjesët, jepi kurorës madhësinë e duhur në përputhje me madhësinë e kokës.
- 6 Hiqe nga koka dhe ngjite ose kape me kape pjesën e prapme të kurorës.



MODELI

Bej me ngjites
dhe ngjite
nen pjesen ballore








Bej me ngjites
dhe ngjite
nen pjesen ballore




Ngjiti ose kapi me kapse
dy pjeset sipas
madhësisë së kokës



22. MARIA VIZITON KUSHËRIRËN E SAJ, ELISABETËN


PUNA E DORËS: SHËN MARIA LUTET PËR NE



HAPAT:

- 1 Ngjyros sipas modelit. Veshja e shën Marisë është blu dhe e kuqe.
Ngjyra blu shpreh natyrën njerëzore të shën Marisë dhe ngjyra e kuqe shpreh hyjshmërinë, dmth ajo mbajti vetë Krishtin Perëndi në barkun e saj.
Veshja e shën Marisë nuk mund të ngjyroset sipas dëshirës.
- 2 Prite sipas konturit dhe ngjite në kartonin me trashësi 210, 240 ose 270 gr dhe me ngjyrë sipas dëshirës.
- 3 Krijë me fjongo një varëse dhe ngjite me skoç nga prapa.

Mund ta varësh në mur dhe sa herë ta shohësh të kujtosh që shën Maria lutet për ne.




MODELI



23. JAM KRIJUAR NË MËNYRË TË MREKULLUESHME

PUNA E DORËS: BEBJA MOISI




HAPAT:

- 1 Ngjyros sipas dëshirës.
- 2 Prit me kujdes bebin Moisi e pastaj varkën.
- 3 Ngjit bebin në varkë duke përdorur ngjitësin në pjesën e prapme të varkës.
- 4 Hap vrima rreth e qark varkës (në 3 anët e saj).
- 5 Kalo fjongon nëçdo vrimë, një herë nga lart, herën tjetër nga poshtë.
Pastaj lidhim dy cepat e fjongos duke lënë kapëse mbi kokën e Moisiut bebe, në mënyrë që të na shërbejë si varëse. Shiko modelin.




FORMAT





24. PRINDËRIT KUJDESEN PËR FËMIJËT E TYRE

PUNA E DORËS: ENIGMA



Formo fjalët dhe shkruaji në vijat boshe.
Më pas plotëso enigmën e dhënë.

ARJI

MËSËUR

RËSHMI

TEJOJ

LEF

HINJËSOMËR

LALIGE

PAKENARMU


CIFERO

SEBOI






FORMAT





25. NËNAT ÇOJNË FËMIJËT E TYRE TEK JISUI

PUNA E DORËS: NGJYROSJE NË LETËR KALKU



HAPAT:

- 1 Ngjyros me kujdes.
- 2 Sipas dëshirës ngjit në xham, duke përdorur ngjitësin vetëm në cepat e fletës.






Jisui me fëmijët

“I lini fëmijët e vegjël të vijnë tek unë dhe mos i pengoni, sepse e tyre është Mbretëria e Perëndisë” (Marku 10:14)



26. JOSIFI NDIHMON FAMILJEN E TIJ

PUNA E DORËS: VESHJA E JOSIFIT



HAPAT:

- 1 Ngjyros me kujdes, sipas modelit apo sipas dëshirës.
- 2 Prit veshjen sipas vijave të ndërprera dhe jakën në formë V-je.
- 3 Palosi këto zona nga brenda, sipas vijave të veshjes (pjesa e përparme).
- 4 Në letrën e bardhë vizato një tjetër formë, por sipas vijave të plota të veshjes dhe jakën formë rumbullake, sipas vijës së ndërprerë (pjesa mbrapa).
- 5 Prite me gërshërë sipas kontureve.
- 6 Bashko tani të dy pjesët me njëra-tjetrën, duke ngjitur zonat e përthyera të pjesës së përparme mbi pjesën e prapme.
- 7 Prit rripin dhe rrotulloje te brezi, duke e përthyer në mënyrë që të varet poshtë dhe ngjite me ngjitës.







FORMAT




27. VËLLEZËRIT FALIN

PUNA E DORËS: ZARFI MAGJIK




HAPAT:

- 1 Sipas modelit prit edhe ti kartonin 160 gr.
- 2 Në katrorin e formuar, shkruaj bukur me stilolaps me xixa fjalën magjike.
- 3 Zbukuro sipas dëshirës.
- 4 Tani palos dy pjesët paralele. Në dyshen e sipërme vendos stikers për ta mbyllur zarfin.




MODELI



28. VËLLAI I MADH BËHET XHELOZ

PUNA E DORËS: ZEMËR




HAPAT:

- 1 Sipas modelit A bëj dhe ti një të tillë në kartonin 180 gr (ngjyra sipas dëshirës).
- 2 Hap vrima rreth e qark sipas shembullit në figurë.
- 3 Kalo fjongon nëpër vrima (ka disa mundësi).
- 4 Në letërën 80 gr bëj një zemër në madhësi më të vogël se zemra e parë, por në formë të jenë të njëjta.
- 5 Vargun e printuar ndaje në fjalë: ***“Ti je vëllai (motra) më i/e mirë në botë.”***
- 6 Ngjiti në zemrën e vogël dhe më pas atë në zemrën e madhe.



FORMAT

Forma A





Ti je vällai më

i mirë në botë.



Ti je motra më

e mirë në botë.



29. FAMILJA E PERËNDISË PËRFSHIN CDO NJERI

PUNA E DORËS: **GLOBI ME FËMIJË**



HAPAT:

- 1 Ngjyros sipas dëshirës globin dhe fëmijët.
- 2 Me ngjitës stik ngjit globin dhe fëmijët në karton sipas modelit të dhënë.
- 3 Prit kartonin sipas kontureve të formuara.
- 4 Në fund ngjit me skoç fjongon në pjesën e pasme të globit, e cila do të shërbejë si varëse.



FORMAT








30. LIDIA MIRËPRET FAMILJEN E PERËNDISË

PUNA E DORËS: TRINIA E SHENJTË (NGJYROSJE)



HAPAT:

- 1 Ngjyros me kujdes (këtë radhë sipas ikonës).
- 2 Prit përgjatë konturit.
- 3 Ngjit në kartonin, ngjyrën e të cilit e zgjedh sipas dëshirës.
- 4 Formo një varëse me fjongo dhe ngjite nga pas me skoç.




MODELI



31. PARAVOLIA E DY BIJVE

PUNA E DORËS: DUAR QË LUTEN



HAPAT:

- 1 Ngjyros bishtin dhe gjethen e viles së rrushit.
- 2 Prit në letër lejla dhe jeshile kokrra rrushi, aq sa të mbushet e gjitha.
- 3 Ngjiti kokrrat e rrushit në vendet e tyre.





FORMAT



32. JISUI ADHURON SËBASHKU ME PRINDËRIT E TIJ

PUNA E DORËS: KURORË ME QIRINJ E FJONGO








HAPAT:


- 1 Prite me kujdes kurorën me gjethe.
- 2 Ngjyros sipas dëshirës qirinjtë dhe priti me kujdes.
- 3 Prite sipas kontureve fjongon me ngjyrë të kuqe.
- 4 Ngjit qirinjtë dhe fjongon mbi kurorën me gjethe.
- 5 Në pjesën e pasme ngjit një fjongo, e cila do të shërbejë si varëse për kurorën me qirinj.



FORMAT











33. JISUI DHE NËNA E TIJ SHKOJNË NË NJË DASMË PUNA E DORËS: KANA E VERËS



HAPAT:


Sipas imagjinatës, por dhe sipas një modeli të treguar nga mësuesi, formo me plastelinë një kanë (broke) për verë.





34. MARTA DHE MARIA PRESIN JISUIN NË SHTËPI

PUNA E DORËS: SHTËPIA E MARTËS & MARIË



HAPAT:


- 1 Ngjyros shtëpinë dhe çatinë.
- 2 Ngjite shtëpinë dhe çatinë në kartonin 180 gr.
- 3 Priti me gërshërë sipas kontureve.
- 4 Palos të gjitha pjesët e bardha.
- 5 Fillo me ngjitjen e mureve të shtëpisë dhe në fund fare ngjit me kujdes çatinë.

Kjo shtëpi do të të kujtojë pritjen që i bënë Jisuit dy motrat Marta dhe Maria.




FORMAT

SHTEPIA






ÇATIA





35. FESTA E NGJALLJES SË JISU KRISHTIT

PUNA E DORËS: SHPORTA PËR VEZËN E PASHKËS




HAPAT:

- 1 Ngjit shportën e fotokopjuar në kartonin 200 gr.
- 2 Ngjyrose shportën dhe vezët sipas dëshirë.
- 3 Prite shportën me gërshërë sipas kontureve.
- 4 Palose shportën sipas vijëzimeve.
- 5 Bëj ngjitjen e saj sipas modelit të treguar.
- 6 Në kartonin e bardhë vizato një rrip për shportën, të gjatë sa gjerësia e shportës.
- 7 Ngjyrose dhe prite rripin.
- 8 Në fund ngjite rripin me shportën.

Në këtë mënyrë ke formuar një shportë në të cilën mund të vendosësh vezën e kuqe.




FORMAT





36. FESTA E NGJITJES NË QIELL

PUNA E DORËS: NGJITJA NË QIELL



HAPAT:

- 1 Ngjit Jisuin në kartonin 200 gr.
- 2 Ngjyrose figurën e Jisuit dhe prite sipas kontureve.
- 3 Ngjyros konturet e reve dhe priti me gërshërë.
- 4 Mbi një rën prej reve shkruaj vargun: *“Jisui u mor lart në qiell”*.
- 5 Ngjyros diellin dhe prite sipas kontureve. Diellin ngjite në këndin e re-së ku ke shkruar vargun.
- 6 Sipas modelit bëj një hapje (vrimë) në pjesën fundore të gotës, që do të krijojë përshtypjen e qiellit.
- 7 Ngjit mbi gotë disa re.
- 8 Vendors fijen në vrimën e hapur në pjesën fundore të gotës.
- 9 Në pjesën e sipërme të fijes ngjit renë me diell dhe në pjesën e poshtme ngjit Jisuin, i cili po bekon nxënësit e Tij, ndërsa ngjitet në qiell.





FORMAT

